

شرقي آذربايجانين اسلامي تبليغات كول ايداره سي نين «دارالقران الكريم» مسوولو خبر وئردى.

بو ايلين فجر دهه سي برنامهلرينده، قورآني مؤسيسيهلر ايتحاديه سي نين اصلي نقشى اولاجاق.

شرقي آذربايجان اسلامي تبليغات كول ايداره سي عمومى رابيطه لري نين گوزارشينه گؤره، شرقي آذربايجانين اسلامي تبليغات كول ايداره سي نين «دارالقران الكريم» مسوولو بو باره ده دئدى: بو ايلين فجر دهه سينده قورآني مؤسيسيهلر، جوانلار و نوجوانلارا قورآني جشنواره ترتيب وئرماغينان بو گونلرين برنامهلرينه جهت وئره جاقلار.

حجت الاسلام ميكايل اسكندري آرتيردى: قورآني كوميته برنامهلري نين محورليغي بو ايتحاديه اينن دير و پيش بينليق اولور بو جشنواره ده 15 مين نفر شيركت ائله سين.

اسكندري دئدى: بو جشنواره ده 30 مؤسيسه دن چوخ جور به جور برنامهلر او جومله دن قورآن محفيلي، قورآن موساييقه سي و آيري جانبيي برنامهلر اجرا ائده جكلر.